

重修奉賢縣志卷四

水利志

川港

黃浦一名春申江在邑之北相傳戰國時黃歇所鑿本邑無瀕浦地各川港二里有餘均隸南邑自閘港以西鹽鐵塘以東如三岡等南北幹河皆納浦潮以資灌溉以通舟楫浦之利賴實多

南橋塘為本邑第一幹河東西長亘自望河涇折而東迤邐至屠家灣名南橋塘自屠家灣東至城濠名青村港此河為鹽艘往來所必經

奉賢縣志

卷四

水利志

一

川港

橫瀝塘又名紫岡俗名橫涇為南北幹河自黃浦納潮由

南邑境經蕭塘南橋新塘柘林城南達運石河亘長三

十有九里

自奉南交界至南橋塘計河身二千八百五十三丈東傍塘十五保八畝七畝六畝十三

保二十七畝二十一畝十七畝西傍塘十五保五畝四畝十三保二十八畝二十九畝二十二畝二十三畝四

十三畝

竹岡塘在橫瀝塘西亦為南北幹河自黃浦納潮由南邑

境越蕭塘港南橋塘經新市鎮又越下橫涇上橫涇至

柘林城西門南達運石河亘長三十有九里

自奉南交界至南橋

塘計河身三千二百二十丈東傍塘十五保五畝四畝十三保二十八畝二十九畝二十二畝二十三畝西傍塘十五保三畝十三保三十一畝三十畝四十畝三十九畝

沙岡塘在竹岡塘西亦為南北幹河自黃浦納潮由南邑境經鄔家橋越蕭塘港南橋塘又經法華橋胡家橋南達運石河巨長三十有九里自奉南交界至南橋塘河身二千八百六十三丈東傍塘十五保三畝十三保三十一畝三十畝四十畝三十九畝西傍塘十五保二畝十三保三十二畝四十一畝三十九畝
畝四十四畝

巨漕在沙岡塘西自黃浦納潮由南邑境經太平橋至三官堂西流名瑤涇與千步涇相接南流直接萬年涇至莊行鎮西市達南橋塘自奉南交界至南橋塘河身二千九百六十八丈東傍塘十五保二畝十三保三十二畝三十三畝四十一畝三十八畝西傍塘十五保一畝十三保三十三畝三十四畝三十五畝三十六畝三十七畝三十八畝

奉賢縣志

卷四

水利志

一一

川港

千步涇俗名捧蒲涇在巨漕西與華邑交界自彭家渡浦潮引入由南邑境經三寶六典存古青龍四渡是河故道原在戴家橋東直達南橋塘今向西南斜流與望河涇合出鹽鐵塘首尾通潮腹內易塞漸成平陸焉自奉南交界至鹽鐵塘計河身二千三百三十三丈東傍塘奉邑十五保一畝十三保三十四畝三十五畝三十六畝三十七畝西傍塘華邑八保七畝十二畝十一畝奉邑三十六畝

柘瀝港又名從令涇俗呼白廟港在橫瀝塘東自黃浦納潮由南邑境經劉家行越蕭塘港又經陳家灣韓村至茶亭達南橋塘自奉南交界至南橋塘計河身三千五百一十丈東傍港十五保十畝八畝九畝六畝十三保二十七畝二十六畝方二十畝方十八畝西傍港十五保八畝六畝十三保二十七畝二十一畝

金滙塘在柘瀝港東運鹽河西為本邑中界自黃浦納潮由南邑境岡涇塘倪家灣經金滙橋齊賢橋至益村壩

達南橋塘折而東南接和尚塘

自奉南交界起至南橋塘計河身三千八十丈

運鹽河有二在本邑東鄉一自王家墩至葉家行折而西

達金滙塘名舊運鹽河長十五里迄今僅存河形一自

高橋鹽倉廟經梁店至灣周折而西為葉家行北由南

邑蒲達涇通大閘港長二十有二里名新運鹽河昔係

青村袁浦兩場及傍塘各畝承濬乾隆七年知縣劉暉

澤因南邑河不協濬履勘從灣周北通小閘而灣周以

奉賢縣志

卷四

水利志

川港

西遂致淤塞後渾稱小閘云

小閘港為東鄉南北幹河自黃浦納潮南邑大閘入口經

泰日橋南達漩河潭折而東至梁店

計河身長四千六百七十丈頂濬

各畝十五保十八畝二十一畝二十二畝二十三畝二十四畝二十五畝二十六畝四區二十七畝五區二十七畝二十八畝二十九畝三十畝三十一畝三十二畝三十三畝三十四畝三十五畝三十六畝四十畝四十一畝四十二畝四十三畝四十四畝四十五畝四十六畝

蕭塘港在南橋塘北為北境東西幹河從金滙塘引潮水

西流越柘瀝橫瀝經蕭塘鎮越竹沙岡巨漕至千步涇

為華奉分界由是而西經葉謝鎮月河橋通鹽鐵塘自

金滙塘曲溝東流越洋涇小閘直通陶宅相傳 國初

時極深濶今渾潮往來旋濬旋塞淺且狹矣惟隨塞隨

濬能復舊形農商實竝賴焉

自金滙塘西至千步涇計河身五千二十丈南傍塘

十三保二十五畝二十七畝二十八畝三十一畝三十二畝三十三畝三十四畝北傍塘十五保十三畝八畝

六畝四畝三畝二畝一畝

半岡在紫岡竹岡之間自蕭塘港南流越南橋塘下橫涇

上橫涇至柘林城

青村港自屠家灣東流經青村港鎮高橋鎮直通城濠

上橫涇在下橫涇南與華邑交界自橫瀝塘折而西流經

柘林城歷胡家橋鎮通華界龍泉港

下橫涇在上橫涇北亦自橫瀝塘折而西流經新塘新市

奉賢縣志

卷四

水利志

四

川港

法華橋鎮至華界歡菴通龍泉港

淺沙塘在下橫涇北又名菴涇自沙岡塘折而西流至烟

墩通鹽鐵塘

杏涇俗呼冷涇自南橋塘分流南接淺沙塘

望河涇在南橋塘西與華邑分界北接鹽鐵塘其南少折

卽龍泉港

和尚塘北接金滙塘由南橋塘至屠家灣南流直抵捍海

塘

計河身長二千三百六十二丈

廟涇在和尚塘西北接柘瀝港經花園角南流直抵華界

捍海塘

張澤港自和尚塘折而東流至草場角計河身長八百四十丈

頭二三橋港自城濠北流至趙家壩經頭橋二橋三橋蔡

家橋鎮直達南奉分界之盛家橋計河身長二千四百四十丈 頂濬各畝

十五保四十六畝四十七畝四十八畝四十九畝五十畝五十一畝五十二畝五十三畝六十四畝六十五畝六十六畝六十七畝六十八畝六十九畝七十畝

十二畝六十三畝六十四畝六十五畝六十六畝六十七畝六十八畝六十九畝七十畝

百曲港從金滙塘齊賢橋折而東流過畫欄橋至貫涇曲

折最多因以得名計河身長四百八十丈 上有曲水村明張弼有

曲水村棹歌顧清和之

洋涇又名柳溪自葉家行運鹽河引水南流經唐家行直

接百曲港計河身長三千一百五十丈

奉賢縣志

卷四

水利志

五

川港

貫涇自舊運鹽河來源越橫溪南通陶宅港袁凱改過齋

在其右計河身長三千八百六十丈

蛟門涇 華寺涇 施家涇 吳塘 大溝河 蒼蒲涇

魚婆漚 新塘 牛橋浜 百尺涇 祥梅漚 小

千步涇 蘆涇 新涇 團涇 九龍港 阮港塘

呂運涇 顧合塘 觀音塘 朱家浜 李涇港 以

上諸河在十二保

姚涇 鹽鐵塘 褚涇 里仁涇 茅涇 程何浜 澱

港 林家港 益家港 南廟涇 大洪漚 南斛子

漚 菴港 以上諸河在十三保

莊河 西洋涇 郭家塘 小和尚塘 南和尚塘 胡

村港 東袁埠港 北和尚塘 新開河 趙郎浜

陸江塘 清水港 中界塘 錢家浜 店路溝 半

岡 以上諸河在十四保

葉家浜 廟涇支河 黃泥浜 白洋涇 鶴良港 北

斛子漣 牛路港 崇定涇 東洋涇 八曲港 蕪

葦塘 通婆涇 東長浜 蘆青港 海螺港 衛家

港 龍家港 白家港 九曲港 施家港 褚家港

徐家橋浜 白達溝 北陶宅港 大娘子港 阻路

港 南陶宅港 以上諸河在十五保 上竝增
刪舊志

奉賢縣志

卷四 水利志

六

川港

按舊志所載間有未備况通塞不常或改故
道今就所見即舊志增刪之庶有所攷證云

奉賢水利紀畧

從來論松屬水利者謂西北地卑不患旱而患潦東南
地高三患潦而患旱地莫高於奉賢瀕海而實無海口
所恃三岡等幹河北接黃浦潮源藉以灌田通舟尤冀
留心民瘼者相度通浦各河遞年輪浚俾高不苦旱亦
卑不苦潦務在蓄洩之得其宜耳今夫論近時之水利
與昔時異奉邑僻處浦南宋元以來三岡等幹河皆承
浙省當湖我郡柳湖諸水莫不澄清淳蓄即滌闕海口
未塞上流清水郡勢盛亦足蕩滌鹹潮迨明夏忠靖用葉
錢塘議開范家浜俾西浦湧而徑從黃浦注江入海由
是吳淞海潮亦從黃浦洶湧而來近浦川港致虞淤澱
嘉靖間遭倭警議將滌闕堵塞南來之浦潮遂絕而北境
通浦各河亟宜隨漕隨濬俾利農商所謂水利與昔時
異者此也且奉邑之水利與他邑又異彼華婁金河道
有蓄有洩旱澇無虞青浦夙號水鄉何勞疏鑿上南地
瀕江浦川港旱澇無虞青浦夙號水鄉何勞疏鑿上南地
通浦咽喉又隸南邑是以欲導各分一港而東西異隸
委更在彼疆甚至一河而首尾各分一港而東西異隸

此雖通而彼仍塞倘非和衷共議安能因地制宜通力
合作所謂水利與他邑異者此也獨是邑有四境南北
適中曰南橋塘東接青村港係為由縣入郡要河東西
適中曰金滙塘南接和尚塘又為自奉至滬要道東境
通浦有洋涇運鹽小閘等河西境通浦有橫瀝竹岡沙
岡三幹竝柘瀝巨漕千步涇等河南境上下橫瀝止水
靜深不必時加撈浚北境蕭塘港東西貫通縣境尤為
農商關係應議興挑在上者勤修水利循照業食佃力
舊章繩以工不出區之法俾各自開其灌漑之河渠將
見旱有所蓄亦潦有所泄小民豈不共沾樂利之休哉

開濬

宋紹興四年鹽官丞王珏開華亭海河二百餘里通漕漑

田民享其利

明天順四年巡撫都御史崔恭濬沙竹岡諸水通利入浦

民感其惠

奉賢縣志

卷四

水利志

七

開濬

嘉靖二年工部郎中林文沛督率華亭縣開南橋塘金滙

塘青村港等十一處以洩當湖泖澱諸水使各通黃浦

以入於海

萬曆十年松江通判劉師召濬百曲等河

天啟五年華亭知縣徐尙勳濬海螺港一千一百六十丈

崇禎二年巡撫曹文衡檄同知錢永澄濬金滙塘橫瀝等

河

國朝順治九年巡撫秦世禎檄華亭知縣劉成龍濬紫岡

竹岡沙岡及千步涇等河嚴禁嗣後不得隔遠調派致

塞本處河道永為遵守

康熙三十一年里人宋際莊徵麒具呈縣府開濬南橋塘

雍正二年松江知府周諄元檄華亭知縣周中鉉濬南橋

塘

黃之雋濬南橋塘記
天子方興水利以利民守令之賢者各疏淤浚流於其所

治而吾邑南橋塘之功遂成松郡承西南諸水由黃浦
入於海浦支流而南曰葉謝塘又南而東曰南橋塘達
於青村港亘東西四十里溉田十萬餘畝西浙鹽艘所
便也其間支渠曲汊咸道於塘以注之譬咽喉然喉通
而臟腑飽血脈行塞則病顧視潮汐之進退為贏縮焉
當潮之從浦來也甚勇則洶洶挾泥沙而入去則洶洶
而衰不能蕩泥沙以出故塘易淤而港之潮汐不通灌
畦則農病運漘則商病康熙三十一年里人宋際莊徵
麒曾倡疏之至於今又漸塞而淺矣前郡守周侯既下
車相松屬邑之水而次第濬之於是諸生宋文園等以
南橋塘請侯曰善費之其所出而速興之凡一百八十丈為
侯曰善度其經費之所出而速興之凡一百八十丈為

奉賢縣志

卷四

水利志

八

開濬

一里一丈之直錢一緡直出於田凡十有八畝而濬一
丈旁莊行若千里鄒維何孟春司之旁青村高橋若干
里丞靳夢熊里人鄒維何孟春司之旁青村高橋若干
干里巡檢張從訓里人宋倣業司之旁青村高橋若干
也期月而工竣四年秋文園來京乞予文紀其事且曰
是役也兩周侯於上而後興巡司里長者奉於下
而後成廢餐寢奔走風日於四十里之內者文園不敏
幸始之功無以告成於兩侯不誌於石是隱兩
周侯之固已稔之矣蓋濬塘是居是鄉者之雋里人也
天子析華亭之東為奉賢縣塘隸於奉賢城郭邑聚由之
以達漕饋魚鹽行旅倍昔矣塘既濬加便焉功一濬是
塘之明年護塘改石焉以築之塘既濬柘林之石由是
天子命沿海護塘改石焉以築之塘既濬柘林之石由是
而運功又一濬是塘之蘇州諸水興東南之水利茲塘既
濬無費於庫帑功又一則其利非但田可溉鹽可運而
已前周侯既歿為神於我郡而今周侯以邑令超擢我
郡守政行於七邑有功者必食報利物者必受予於
兩周侯益信故誌其大者而疏濬事宜則列於陰

雍正九年署知縣舒慕芬濬青村城濠

乾隆三年知縣許逢元復濬青村城濠通縣民力協辦

乾隆七年知縣劉暉澤諭董開濬運鹽河自灣周北通小

閘士民周魯等具呈以沿塘二十四畝頂濬小閘通詳

立案

乾隆八年士民唐承煥等具呈以沿塘一十八畝頂濬金

滙塘此塘既不派他畝協濟他畝有役一十八畝亦不

受派呈縣詳憲勒石永遵

乾隆十六年知縣李治灝詳濬張澤港先是士民張興邦

劉在三等請以傍塘八畝頂濬張澤港嗣後轉詳准照

奉賢縣志

卷四

水利志

九

開濬

金滙塘業食佃力例三年一撈五年一濬永不派及遠

畝而遠畝開濬亦不得派及八畝詳准勒石

前令劉暉澤記

凡有民社之責者興一利不如除一害前人言之詳矣
如松江府水利一事前不知郡者每歲督民疏濬溉田
畝通舟楫名甚美也不知水利一興里胥輩視為壟斷
富者輕其役貧者重其徭波及鄰畝焚索無厭究之人
力不齊濬未深廣而農務已迫草草塞責而止曾何益
哉余向泣奉賢洞悉弊故於里胥派濬之舉力斥其
非而於士民自濬之請力成其美庶幾興利之中寓除
害之意耳今張子宸襄公於張澤港一河力請自濬縣
尉趙君轉請於邑侯李公郡伯蔡公具申各憲俱報允
從此河分流於青村袁浦兩鹽場中間廿餘里運漕之
舟既通八畝之田斯溉而三年小濬五年深濬以云興
利利誠興矣以云除害則從前里胥輩冒請委員違例
科斂之弊其亦可以永息與然則官斯土者既有史起
鄭白之功而宸襄輩暨八畝士民同心斷金不當垂之
奕禩哉俾勒諸石使網利者見而知愧亦仍是向泣茲

邑時之
用心云

乾隆十八年里人何孟春蔣鉞等呈請濬竹岡塘知縣李

治灝委典史趙之普督濬七日而竣

乾隆十九年知縣李治灝濬南橋塘

乾隆二十年署知縣涂擴委南橋巡檢司趙仲鵬督濬橫

瀝塘

上竝舊志
參府志

乾隆二十七年知縣劉伯壘開濬南橋塘

乾隆四十一年知縣黃元燮濬南橋塘橫瀝塘

乾隆四十六年知縣王夢文濬南橋塘

乾隆四十七年知縣王夢文濬橫瀝塘

奉賢縣志

卷四

水利志

十

開濬

乾隆五十四年知縣張永和濬南橋塘

乾隆五十七年知縣王桂懷濬南橋塘望河涇竝諭董金

成珩等濬頭二三橋港以傍塘一十五畝頂濬兼濬本

城支流河詳憲立案勒石永遵

夏璇源碑記

坤輿形勢統天下而言則西北高而東南下就松郡而
言則西北下而東南高而東南之高又莫如奉邑奉之
為邑不與浦連邑城距浦百里而遙凡近城諸河潮汐
不能徧應苟雨澤愆期易成槁壤是故西北之境多苦
潦東南之境多苦旱邑城之北有幹河曰頭二三橋港
自城濠而北二十餘里始與南邑界接其中支流數十
條其上腴田數萬頃其旁居民數千家以及商舶之通
往來之便胥於是河有賴也然歷年以來失於疏濬至
乾隆己酉旱甚水涸年不順成於是傍塘士民咸相聚
而謀謂是河所係匪淺鮮也乃共具呈當事願循金滙
塘張澤港成例業食佃力頂濬是河三年一撈五年滙

澹俾無旱熯之虞并請通詳勒石垂諸久遠以杜後人
翻案之口批奉委員勘驗得實至庚戌春先行撈淺加
深民皆踴躍赴功以頂之為樂也原是河前明以來本
係傍塘一十五畮頂澹自混協南橋塘望河涇等處或
隔七八十里或隔百有餘里相去寫遠不沾水利舍已
芸人從事於客畝之河反致多年於塞倘欲主客兩盡
則力有所弗勝然則與其調派遠方顧彼失此曷若自
澹自河之為切已也且遠協者工役相蒙俞為一切又
曷若自澹自河之不敢貽誤也茲請將頭二三橋港一
河與金滙塘張澤港一例頂澹不協他淫始蒙曹貳尹
請詳徐譚二廉詳惟各憲今又蒙王廉會同南邑胡廉
親勘無異出具切結申送各憲如詳在案從此東南高
仰之地水利周詳固無憂而旱亦無患匪直一邑之
慶亦一郡之慶也匪直一郡之慶亦無憂而旱亦無患
下可一視也又何別於西北東南之高下哉將立頁珉
邑之諸同事請記於余余故樂書其事賜進士出身
工部虞衡司員外郎夏璇源撰

嘉慶二年知縣王桂懷澹南橋塘

奉賢縣志

卷四

水利志

十一

開澹

嘉慶五年知縣趙堂檄委南橋巡司孫明和協同士民澹

南橋塘

嘉慶六年知府康基田澹南橋塘

塘西口建閘因千步涇潮水衝激不數年僅存

石片

嘉慶十四年知縣張敏求縣丞向文璜督澹南橋塘

自竹岡口

東至塘灣數里橫瀝塘自何家庫南至接龍橋數里共三千餘丈從士長宋玉詔等請

嘉慶十九年知縣陳文述捐廉築壩開南橋塘橫涇柘瀝

港淺沙塘巨漕小閘等河

嘉慶二十四年知縣陶焜午諭董蕭象埜象勳等澹龍泉

港

道光七年知縣張慶瑗諭董蕭象勳等濬龍泉港

道光十三年知縣楊本初諭董唐復亨等濬南橋塘竝諭董

董朱雲龍等濬橫瀝塘

道光十四年知縣楊本初諭董徐傑等濬竹岡塘竝諭董

余球等濬柘瀝港

道光十五年知縣楊本初諭董唐復亨等濬龍泉港

道光十六年知縣楊本初諭董周誠等濬小閘港竝諭董

孫來儀等濬千步涇

道光二十九年知縣王嘉穀諭董孫積善等濬金滙塘

咸豐三年知縣王嘉穀諭董

陳廷松莊程鵠

等濬南橋塘竝諭董

奉賢縣志

卷四

水利志

十一

開濬

張大文等濬竹岡塘

咸豐五年知縣顧思賢諭董周誠等濬小閘港

咸豐九年知縣顧思賢諭董韓德輿等濬柘瀝港竝諭董

楊煦等濬小閘港

咸豐十一年知縣顧思賢諭董范迪光等濬橫瀝塘竝諭

董孫積善等濬金滙塘

同治二年知縣韓佩金因兵燹初經南橋塘頗形湮塞商

民交困諭董

唐邦利陳泰彬

等以工代賑開濬是塘

同治三年知縣韓佩金諭董許光瑞等濬沙岡塘

同治十年知縣王起仁委縣丞蔣繼麟督濬金滙塘至十

一年春工竣因頂壩畚分捺不啟壩孫繼祖等稟請循照南橋塘小閘港章程不准頂壩名目築壩啟壩悉由局辦是塘總歸傍塘一十八畝按田派挑通詳各憲勒石永遵

同治十一年春正月里人稟請府縣開濬橫瀝塘竝南橋塘市河暨南竹岡局分南北南工

汪淇
陳泰彬

等司之北下范

迪光等司之查橫瀝當程何浜東大灣迂迴泥沙易淀謀於眾將是灣開直藉旺水勢以民田中阻難之商諸田主王啟曾劉瑞芳等皆慨然願捐共田六畝有奇俾得徑鑿通流農商竝賴是役也橫瀝南北計程十有七

奉賢縣志

卷四

水利志

十三

開濬

里南橋塘東西市河計程六里南竹岡二里一律深通共計開河五千餘丈工鉅費繁歷四月始竣竝諭董周尚義等濬小閘港又諭董莊德均等濬杏涇

同治十二年知縣王起仁諭董楊爾泰錢寅階等以十五保二十九畝三十畝三十一畝循照業食佃力成例濬南徐家浜北徐家浜湛然浜嗣後輪濬小閘之次年照此章程派開是浜以垂永久

同治十三年知縣王起仁諭董莊德均李塘等濬南橋西塘竝委巡檢沈志高督濬自望河涇至沙岡塘口計程一十二里

光緒二年知縣方濬益諭董陳麟莊嘉炳等濬南橋東塘
自沙岡塘至益村壩計程一十二里帶濬南北橫瀝二
里

光緒三年知縣韓佩金諭董曹宗鼎范迪光宋雲階顧祥
駿等濬竹岡塘竝委巡檢沈志高督濬查是塘於二年
十月士民顧祥駿等循南塘竹岡竝濬舊例赴縣請挑
隨稟本府竝撫藩各憲檄府議詳旋奉撫批准傍塘一
十一畝不必協濬南橋塘照章頂濬竹岡塘至三年三
月知府楊永杰臨工知縣韓佩金泣任民情踴躍踰月
工竣嗣是曹宗鼎范迪光宋邦俊等以橫瀝沙岡向與

奉賢縣志

卷四

水利志

十四

開濬

竹岡均爲通浦南北巨幹援照金滙塘例專歸傍塘各
畝遞年輪流頂濬免協南橋塘具呈府縣由縣勘詳各
憲批准勒石永遵是年十一月知縣韓佩金諭董宋邦
俊許光珩宋雲階王仁智等濬沙岡塘兼委巡檢沈志
高督濬冬雪春雨延至四月工竣

光緒四年知縣韓佩金諭董莊德均李塘莊仁榮等濬巨
漕委南橋巡檢沈志高駐工督率時值春雨連綿節近
芒種而工始告竣

海塘

捍海塘起浙江海甯東歷海鹽平湖金山華亭奉賢南滙

至上海吳淞江入海處而止延袤三百三十餘里其在奉賢境者東歷五墩涵水廟至南滙縣土塘而止西歷華家角與華邑丫叉護塘之西土石兩塘而止綿亘五十五里內華邑劃分接築土塘二百丈以乾隆元年頒行部尺計之共八千四百三十三丈六尺四寸凡築土塘式由下至上以次而狹面寬二丈五尺基寬五丈高一丈二尺雍正十一年巡撫喬世臣 奏立歲修之期飭縣令於每年十一月查勘損壞宜修處確估報司核定於明年正月興工三月竣事仍令海防道察其勦修遲速及塘身高卑厚薄以定殿最又 奏請修防土塘

飭令縣佐各照本邑地界專理所設塘長均聽稽查約束仍令同知州不時督察調度又請每塘五里設塘長一名給工食銀七兩二錢各建堡房一間督令朝夕在塘隨時培護遇歲修仍督率人夫挑築乾隆元年巡撫顧琮 奏請海塘內外各留隙地以備歲修取土塘外留地三丈塘內留地二十丈其地錢糧概行豁免奉邑塘內外其留田以下闕八字嗣後修築不許旁及民田舊每方工食銀六分六釐喬公 奏請加給夯築銀六釐務令一尺一礮俾土性膠固可以經久明時畝有該年區有塘長該年督率一畝之人夫塘長督率一區之該

年大小相維專供開濬挑築既而知府方岳貢以費無定額每至累民因令每該年輸免役銀十八兩貯庫名曰納曠遇有工作估價發銀 國朝行均田均役法盡除塘長該年名色令民按畝捐錢以資公費雍正十一年巡撫喬 奏請舊例每畝捐錢五文令糧戶於完納條銀時交足貯庫凡歲修時一切公費竝於內酌用乾隆八年巡撫陳大受咨部覆准令塘長每年自收塘身塘面葦草抵給工食至歲修及建蓋堡房動支司庫存公銀兩永以爲例其奉邑塘務則專責縣丞司之而同

知州同兼轄焉

舊志

奉賢縣志

卷四

水利志

十六

海塘

修海塘攷

海塘築於唐開元元年華亭縣創於天寶十年塘固先縣而築矣嗣後海潮衝激以次淹沒大德五年風潮後又改築焉是時塘高一丈面濶一丈底二丈

元至正二年都水庸田使司修塘怯薄者添土幫修低窪者增高築壘

明成化七年大風海溢巡撫畢亨巡按鄭銘郡守白行中自海鹽至上海築三萬四千七百六十有九丈又爲外堤起戚滌至平湖界五十有三里又自華亭抵嘉定界築一萬七千七百四十有八丈面濶二丈址倍之高一

丈有七尺

萬曆三年五月大風敗滌闕塘潮乘其缺日兩次禾黍荳蔬立淹槁郡守王以修巡按邵陞巡撫宋儀望督饒王藻各出贖金塘亟告成計長八百五十丈有奇高厚各

一丈五尺址加厚二丈

見明徐階海塘記

崇禎六年滌闕橫涇衝開數處青村賴有沙灘近或二三里遠或十餘里得無恙郡守方岳貢委員修築費二萬一千餘金以救目前十三年疏請築石塘越十有六月而功成凡建石塘二百五十八丈二尺二寸工料銀二萬七千六百六十六兩

見明何剛續築海塘記

奉賢縣志

卷四

水利志

十七

海塘

國朝順治二年西段土塘屢有潰溢郡守張銚節推方重朗目擊阨危議倣前朝每畝加編八釐舊例申請各憲顧石工繁重無救然眉於是先築土塘五百餘丈方謀築石未幾張公以鹽政註誤方公旋卒遂寢

順治六年海潮騰躍入內西起梅林涇東至周公墩衝開數十處郡守廖文光以塘長曠銀申詳各憲并得捐項約萬金七年正月興工八月告竣

順治十一年塘潰郡守李正華修築土塘并石塘

康熙六年塘大潰巡撫韓世琦郡守張羽明別駕安承啟集紳耆協辦以塘長一名管築二丈共修塘一千二百

丈有奇

康熙六年柘林等處潰提督梁化鳳捐銀二千二百五十兩築塘二千二百丈

康熙十年蔡家馬頭等處潰巡撫馬祐疏請照康熙三年例修築八百七十三丈計工料銀三千七百一十二兩零

康熙十三年水利董宏邑令閻必崇申詳修築石塘以木椿埋土潮水朝夕抽掣宿土去而椿必露也次年董閻二公又申詳撫院馬公藩司慕公抄築土塘

上數條竝本曹家駒

海塘紀畧

奉賢縣志

卷四

水利志

十八

海塘

雍正六年據府志當在七年通政司參議俞兆岳總理松江塘務

凡六年

雍正十年海潮泛漲民田廬舍皆淹邑令徐必昌通詳督撫二院領帑二萬六千六百兩零修築土石二塘東至五墩涵水廟西至華家角綿長五十五里計長原用魯班尺九千四百七十六丈面寬二丈五尺底寬五丈高一丈二尺

乾隆十二年復遇風潮鄰邑南滙被灾邑令劉暉澤詳憲領銀五千三百兩零修築土塘加高二三四尺以符部尺一丈二尺之高塘面通准二丈至十四年邑令李治

灑加築完工

松郡海患莫甚於滌闕一隅前明則有吳孝廉嘉允受太守方岳貢委任創建石塘繼之者爲何孝廉剛兩公之於桑梓其功甚大自是以後成功莫繼患口滋多乃今之議者苟安目前但事培土無救水害徒勞百姓於是婁邑諸生馮敦忠作海塘土石利害說不惜大聲疾呼以聳眾聽華亭耆民吳亮斌以恭迎

聖駕敬陳東南至切民隱等事一疏叩閭而卒莫有用其言者可慨也已予以爲石塘宜建不獨金柘地形凹進怒濤隨處可入非盡易以石莫可禦捍也卽奉邑沿海

奉賢縣志

卷四

水利志

十九

海塘

之處地勢凸出亦不可徒恃土塘以爲苟且補苴之計卽如雍正十年秋颶風大作本邑沿海之鄉民田廬舍竟竝遭淹沒乾隆十二年復遇颶風南滙被災獨重而本邑居民亦切寒心知縣劉暉澤因土塘年久低陷未雨綢繆請詳達部加高乾隆十四年知縣李治灑加築完工然歲修歲益不過如揚湯止沸耳若石塘之築乃曲突徙薪之善計也方公成法具在舉而措之存乎其

人耳

上竝
舊志

捍海塘由來舊矣其在奉賢境者東歷五墩涵水廟至南滙土塘而止今三團也塘外又築一塘歷奉南交界之

九百畝頭止名曰餘塘蓋沿塘居民自築也各照所畸
海塘之多少分派丈數其無蕩者則出工力焉較舊塘
稍低狹以防海患亦甚賴之

南門外塘下時有水罅泛入鹹潮頗爲民患光緒三

年泛水更甚四團亦有此患

邑有外六畝民籍奉賢地隸場境前因潮水衝突築有捍
海土塘塘內之田有上蕩中蕩下蕩水鄉之別塘以外
附近塘下者爲旱墩其外爲中墩又外爲水墩又外爲
草蕩乾隆初年中墩水墩皆攤曬產鹽之所今自本城
東門聚起西至華家角爲青村場之頭團海灘均無坍
長仍前攤曬由東門聚東至場聚爲二團海灘逐漸長

奉賢縣志

卷四

水利志

二十一

海塘

出約有五里旱墩翻種花荳中墩荒廢惟水墩尙可攤
曬三四五團海灘長凸有二十里至八九里不等居民
於道光初年在水墩外更築禦塘俗呼圩厚一丈高五
尺綿亘十五里雖遇潮汐泛濫此處距灘較遠禦塘內
不至淹沒漸次開墾地屬青沙水性亦稍淡近年來多
種棉花禾稻三團次之五團塘外康熙年間止有十家
村今約三千餘家四團亦二千餘家